

ادبیات عمومیہ مجموعہ سی

سنہ : ۱ ہفتہ لقی سیاسی ، ادبی و علمی غزتہ در . نومرو : ۲

سیاسیات

پارس و برلین معاہدہ لرینک حق الفاسی

مترینک تالہ برانلہ قارشیلانشدینی ویانہ مؤتمرندن بری ، آوروپا سیاستندہ مؤثر یکانہ اولان شرق مسئلہ سنک ، منظومات دولیہ تشکلاتنہ وارنجہیہ قدر اساس اولدیغنی تاریخ سیاسی متعارفہ حالہ کتیرمشدی : دونکی اتفاق مثلثہ بکونکی ائتلافک اصلی ، دوغروندن دوغرویہ (۹۲) میدان حربنک کونلرندن ظہورایتمشدی . برلین اجتماعندہ تبلر ایدن منافع متبارزہ ، یکدیگریہ دشمن ایکی ہیئت تولید ایتک صورتیہ ، شرق مسئلہ سنہ ابتنا ایدن برغرب مسئلہ سی وجودہ کتیریوردی ! بوصورتلہ ، حکومتتمزمشکل برانزوایہ محکوم اولمشدی : اوزماندن بری آوروپا ایلہ ، تک باشنہ ، قارشى قارشى بہ قالمش ، و آنجق طرفینک اختلافی اوزرینہ تأمین سیاست ایدہ بیلیمشدی !

مملکتینک ایلک خیاتی سایہ سنندہ آیاستفانوسہ قدر کلوب سعد اللہ پاشایہ مطالبنی تقریر ایدن موسقوفک درت آی دوام ایدہ بیلن موفقیتی ، انکلترونک ضربہ رقابتہ اوغمرادقندن صوکرہ ، بالقانلردہ یاپیلان تعدیلات ، برلین قونفرہ سندن دوغمش برآوروپا لطف کارانی طرزندہ قارشیلانمشدی : فی الحقیقہ مملکتین ایلہ صربیہ وقرہ طاغک استقلالی ، و [بولغارستان] عنوان ظاہر بیلہ روم ایلی بی ایکی بہ تقسیم ایدوب ، چارک تحکمی آلتندہ ، آزاد اولورکن اسیراولان برحکومت غیرملیہ نک تشکلی ، آوروپادہ صوک بالقان محاربہ سنہ قدر دوام ایدہ بیلن وضعیت ملکیت مزلہ یک نظرده قابل قیاس اولاماز . آیاستفانوس معاہدہ نامہ سی آووچمزدہ سلاتیک شبہ جزیرہ سیلہ برلین مقرراتندن اوج سنہ صوکرہ یونانہ الحاق ایدیلن تسالیایی ، اپیری ، آرنائودلق و بوسنہ - ہرسلکی برافدیغنی حالہ ، بولغارستان نامنہ آلدیغنی اراضیہ مملکتی نقطہ اتصالی اولمایان ایکی پارچہ یہ افراغ ایدیوردی : برلین مؤتمریسہ ، موسقوفلرک پک عجیبی برآللہ چیزدیکی بوجغرافیہ مسودہ سنی تصحیح ایدرک بزہ یکبارہ برروم ایلی برانمشدی . . فقط غورچاقوفک آلدیغنی بوخریطہ درسندن ، ترکیہ ، مساحہ اعتباریلہ دکل ، سادہ شکل اعتباریلہ براستفادہ ارضیہ تأمین بدہ بیلدیکی حالہ ، سیاسی ومعنوی هیچ برفائدہ قازانامامشدی . بوتصحیح اک زیادہ

اسکی عثمانلی عسکرانکی

اون برنجی عصر عجریده

دیوشیرمه اصولی

دیوشیرمه اصولی عثمانیلرده ایلك اخذ عسکر اصولیدر. عثمانلی اردوسنك ارکانی، عثمانلی رجالنك پك چوقلری دیوشیرمه اصولینه آلان، عثمانلی تربیه سی کورن چوجقلردن یتشمه ایدی. بو اصول هر دورده اولدقجه تبدلاته اوغرامشدر. دیوشیرمه اصولیه آلان چوجقلر، عجمی اوغلانلر نامنی آلیرلر و عجمی اوغلانلر قیشه سنده، سرای هایونده، ولایت والیلری خدمتلرنده تربیه ایدیلرلردی. عجمی اوغلانلر قیشه سنده یتیشلر بالاخره اوجاغه چیقارلر، سرای هایونده کیلرده بوستانجیلاق ایدرلردی. بوستانجیلر مرور زمانه سرای محافظانی ایتمکه باشلامشدر، بو صورتله ضابطه وظیفه سنی ایفا ایلشدر.

دیوشیرمه چوجقلرک آلیندقلری یلر معین ایدی. اک زیاده اسکوب، اشتیب، کوستندیل، پرزرین، کورج، صماقو، استارده، البضان، دلونیه، آلونیه، بلغراد، پرشته، وولچترین، یکی بازار، بره پول، طاشلیجه، ارکلو قصری، یانیه، پرله، اسکندریه، اوخری، ایپک، دوقه کین، قیرچوه، فوچه، نوه سین، نوه پرسپه، مناستر، موستار، انیموچقه، ایزورنیق بکوردلن، کولیکسریه، خوریشته، بهالشته، آقچه قلعه .. سنجاقلرندن دیوشیرمه اوغلانلری آلینیردی. فقط ناصل آلینیردی؟ نه درلو محافظه و سوق اولونوردی؟ بوکا دائر مهم بر وثیقہ نی بروجہ آتی درج ایندیورز.

« قدیم الایامدن ممالک محروسه پاشاهیده واقع اولان رعایادن یکچیریلک ایچون اوغلان آلتیق قانون قدیم اولوب کیر و فدیعدن اولیکلدوکی اوزره یکچیری اولیق ایچون اوغلان جمع اولتمق فرمان اولتمغین تحت حکومتکزدده واقع رعایانک یکچیریلکه لایق یرار اوغلانلردن انتخاب ایدوب وجع ایلوب آستانه سعادت آشیانه ارسال ایلك ایچون اوجاغک امکدار واختیار اغالرندن اولوب طوزناجی باشی اولان فخرالامائل والعیان ... زید مجده نصب وتعیین اولوب اشبو ورقه مودت برله عزو حضورلری صوبنه ارسال اولندی. لدی الوصول هر قاضیلقدده واقع اولان ایل وکونه وقصات وقراده

وبلادده و خاغلرده و اوقاف وزعامتده و بیمارلرده و چفتلک کرده واقع اولان رعایانک
 جمله سنه محکم تنبیه و تأکید ایده سزکه هر نه قدر اوغللری و ارایسه هیچ بر فرد قلمیوب
 بابالری ایله جمع ایدوب اغای مومی الیهانک یانسه کتوروب و اغای مشارالیه دخی بالذات
 نظر ایدوب متعدد اوغللری اولنلرک ایچندن سنده اون بش یاشنده و یکر می یاشنه
 و ارنجه بریرارین و غایتله اوسین انتخاب ایدوب یکچیچریلک ایچون الوب دفتینه یازوب
 دخی حفظ ایله . . و رعایانک متعدد اوغلی اولنلردن بر غایتله برارین و اوسین آلوب
 باقیسین کیر و باباسنه ویره ویرار اوغلان دفتره قید ایتدکن صکره تبدیل ایله . و هر
 اوغلانکه آلنوب کندی آدین و باباسی و آناسی کوی و سپاهیسی اولرین و اوغلانک
 حلیه و اوصاف و علایین عینی ایله یازوب دفتر ایدوب و بوجله دفتره قید
 ایتدکن صکره غیت ایده جک اولورسه کیم ایدوکی و قنده ایدوکی دفتره صراجعت
 اولنوب معلوم اولندندن صکره کیر و اله کتوریلله و انک کی اوغلان جمع اولندوغی ائاده
 خارجدن اوغلان قالمیوب برلو رعیت اوغللرندن جمع ایدوب حلیه و تلبیسدن احتیاط
 ایله لر . و یکچیچری اوغلانی یوز و یوز الی نفر مقداری جمع اولندوغی کیم معتمد علیه
 آدم قوشوب استاء سعادته و طوغری یکچیچری اوچاغنه کوندربوب یولده و منزللرده
 محکم حفظ اولنه که بریسی غیت ایتک احتمالی اولیه . و هر سوری نه ایکی دفتر یازوب
 برین کند و حفظ ایدوب و برین سوری ایله کوندردوکی آدمه و یروب قیوده سوری
 دفتر ایله کتوروب تسلیم ایلوب و بعده ایکی دفتر بربری ایله مقابله اولنوب جمع اولنان
 اوغلانک بریسی تبدیل و تغیر اولنق محال اولنه و اوغلان قوشوب کوندردوکی آدمه محکم
 تنبیه و تأکید ایله که اوغلانلری طوغری یولدن کتوروب و کزدیرمیوب و کسه دن براچه
 و برجه آلاموب و نوناقلری شاشوردوب برکویه قونمشلر ایکن تکرار قونمیه لر که کوی
 خلقی یکچیچری اوغلاننه اتمک و برمکدن و اولرینه آلوب حفظ ایتمکدن . ضایقه لازم کلیه
 و اول ولایتک قاضی لری و سوباشیلری و ویره ده و اوقاف متولیلری بیمارلری و زعما و عمال
 یکچیچری اوغلانی جمع خصوصیه چون بروجله قارشمیوب و قطعاً مداخله و معارضه ایلوب
 اغای مومی الیه مستقلاً کندوسی جمع ایدوب کوندوره . مکرکه اوغلانک احضاری
 خصوص مومی الیهک طلبیه محل و مناسب کوردوکی اوزره عمل ایده لر ، غیری
 خصوصه دخل ایله لر . زیرا بوبابده واقع اولان امور بوکه مفوضدر . محکم مقید اولوب
 بریسی دخل ایلوب هیچ بر فردک اوغللرینی اونده الیقومیوب و کز لیمیوب و قاجر تیمیوب
 بر وجهله تلبیسدن اخراز ایده لر و هر کیمت تیمار وزعامتده و یاخود اونده و کوینده
 و چفتلکنده بر اوغلان کزلیوب . مومی الیه کوسترمه مش و قاجیر مش و یاخود حلیه ایدوب
 خارجدن اوغلان قاتمش و یا اهل مساهله ایش اوله . هر کیم ایسه قطعاً مجال ویراوب
 سیاست پادشاهی ایله حق لرندن کلنور ، بلش اوله لر . بوبابده مومی الیهک شکر و شکایتی
 مسموع و مؤثر در . اکا کوره تقید ایدوب احتراز اوزره اولالر و یکچیچری اوغلانی

التدقده ولايت قاضیسی وویوده لری و سوباشیلری و امین لری و بعض کیمسنه لر بربر وایکیشر کوی حمایت ایدوب و اوغلان الدرمیوب و دلاک ایدوب آلینور لریمش . اول متعده له رضای هایون پادشاهی یوقدر . کویلردن کیمسنه نک رجا و التماسیه اوغلان الیقومیوب جمع وارسال ایده لر . بعده تجسس و تفحص اولندقده اوغلان التماسیه و غنی بنور ایسه عذریکنز مقبول اولمایوب عقاب پادشاهی ایله معاقب اوله کز مقرر در . و بعض کویلر معدنچی و اوقاف زعایاسی یوزعوارض دیوانیه و تکالیف عرفیه و اوغلان التماسی ایچون الیزده معاف نامه من و اردر دیو امر ابراز ایدر لره اول مقوله امر لری اللرندن الوب کیسه لیوب استانه سعادت کوندر و برینه حمایت اولنمیوب یکیکچری اوغلان فرمان اولندوغی اوزره جمع ایدوب برینه مخالفت ایتدیر میه سین و سنکه اغای مشار الیه سن بو باده تقید و اهتمام اوزره اولوب جاده حقندن عدول الوب کمنه دن برجه آلیوب کمال استقامت اوزره اولوب اتمام خدمت پادشاهیه مجد و ساعی اوله سنز . باقی همیشه علم و فضیلت در سجاده شریعت دائم با . نحریراً فی و اخر شهر محرم الحرم سنه ۱۲۳۱ . «

عجمی اوغلانلرک ملبوساتی ایچون بویاجیلرک اجر تلری ، بویا بهالری ، اوغلانلرک عبا بهالری و سائر مصرفلری عجمی اوغلان النان قریه لرک اها لیسندن طولانیردی . بو قریه لر هر اوغلان باشنه الیشر یوز آقچه ویرلردی .

*
**

عجمی اوغلانلرک دیوشیرمه اصولیه نه درلو طویلان دقلرینی کویسترن بو وثیقه فوق العاده بر قیمتی حائزدر . اوروپا محرر لرندن بعضلری ، از جمله مارسینلی وریقو ، کویرولیلر دورندن بحث ایتدکلری صرده بو اصولی مختلف طرزده یازارلر . حال بوکه ، عجمی اوغلان النان قضالرک قاضیلرینه یازیلان بو امر ، عجمی اوغلانلرک نه صورتله طویلان دیغنی ، دیوشیرمه اوغلانی جمع ایتک ایچون نه درلو تدبیرلرک اتخاذ اولوندیغنی کویستردیکی جهته عثمانلی مؤسسه لریله اشتغال ایده جک مؤرخلریمز ایچون قیمتمدار بر وثیقه تاریخیه عد اولونابیلیر .

بیوک آطه ۲۲ تشرین اول ۱۳۳۲

احمد رفیق